

**ՀՀ ՏԱՐԱԾՔԱՅԻՆ ԿԱՌԱՎԱՐՄԱՆ ԵՎ ՋԱՐԳԱՑՄԱՆ ՆԱԽԱՐԱՐՈՒԹՅԱՆ  
ԿԱՐԻՔՆԵՐԻ ՀԱՄԱՐ ՏՎՅԱԼՆԵՐԻ ՓՈԽԱՆԱԿՄԱՆ, ՏԵՂԵԿԱՏՎԱԿԱՆ,  
ԳԵՐԱՏԵՍՉԱԿԱՆ ՀԱՄԱԿԱՐԳՉԱՅԻՆ ԳԼՈՐԱԼ ՑԱՆՑԻ ՍՊԱՍԱՐԿՄԱՆ  
ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ՊԵՏԱԿԱՆ ԳՆՄԱՆ ՊԱՅՄԱՆԱԳԻՐ  
№ ՀՀ-ՏԿՁՆ-ՇՀԾՁԲ-15/18-17-6/5**

ք. Երևան

«06» մարտի 2017թ.

ՀՀ տարածքային կառավարման և զարգացման նախարարությունը, ի դեմս աշխատակազմի ղեկավար Մ. Բաղդասարյանի, որը գործում է նախարարության կանոնադրության հիման վրա (այսուհետև՝ Պատվիրատու), մի կողմից, և Ա/Ձ Լեռնիկ Մամիկոնի Սարիբեկյանը (այսուհետև՝ Կատարող), մյուս կողմից, կնքեցին սույն պայմանագիրը հետևյալի մասին:

**1. ՊԱՅՄԱՆԱԳՐԻ ԱՌԱՐԿԱՆ**

1.1 Պատվիրատուն հանձնարարում է, իսկ Կատարողը ստանձնում է տվյալների փոխանակման, տեղեկատվական, գերատեսչական համակարգչային գլոբալ ցանցի սպասարկման ծառայությունների մատուցման պարտավորությունը (այսուհետև՝ Ծառայություն)՝ համաձայն սույն պայմանագրի անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

1.2 Ծառայությունը մատուցվում է սույն պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

**2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ**

2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող Ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է սույն պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող Ծառայություն.

ա) Չընդունել Ծառայությունը՝ իր հայեցողությամբ սահմանելով անպատշաճ որակի Ծառայությունը սույն պայմանագրին համապատասխանող Ծառայությամբ անհատուց փոխարինման ողջամիտ ժամկետ և պահանջել Կատարողից վճարելու սույն պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել սույն պայմանագիրը կատարելուց և պահանջել վերադարձնելու Ծառայության համար վճարված գումարը և պահանջել Կատարողից վճարելու սույն պայմանագրի 5.2 կետով նախատեսված տուգանքը.

2.1.3 Միակողմանի լուծել սույն պայմանագիրը, եթե Կատարողն էականորեն խախտել է սույն պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված Ծառայությունը չի համապատասխանում սույն պայմանագրի N 1 հավելվածով սահմանված պահանջներին,

բ) խախտվել է Ծառայության մատուցման ժամկետը:

**2.2 Պատվիրատուն պարտավոր է՝**

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված Ծառայության արդյունքը, իսկ Ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև սույն պայմանագրի 5.5 կետով նախատեսված տույժը:

**2.3 Կատարողն իրավունք ունի՝**

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից սույն պայմանագրի 4.2 կետում նշված ժամկետի խախտման դեպքում նաև սույն պայմանագրի 5.5 կետով նախատեսված տույժը:

**2.4 Կատարողը պարտավոր է՝**

2.4.1 Սույն պայմանագրի N 1 հավելվածով սահմանված պայմաններով ապահովել Ծառայության մատուցումը՝ ղեկավարվելով գործող օրենսդրությամբ:

2.4.2 Սույն պայմանագրով նախատեսված դեպքերում վճարել սույն պայմանագրի 5.2 և 5.3 կետերով նախատեսված տույժը և տուգանքը:

2.4.3 Սույն պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

**3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ**

3.1 Պայմանագրի կամ դրա մի մասի կատարման արդյունքներն ընդունվում են Պատվիրատուի և Կատարողի միջև հանձնման-ընդունման արձանագրության ստորագրմամբ, իսկ պայմանագրի արդյունքը

Պատվիրատուին հանձնելու փաստը ֆիքսվում է երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև սույն պայմանագրով նախատեսված Ծառայության մատուցման ավարտի օրը ներառյալ Կատարողը Պատվիրատուին է ներկայացնում մատուցված Ծառայության մասին իր կողմից ստորագրված հանձնման-ընդունման արձանագրության 3 (երեք) օրինակ (Հավելված N 3) և պայմանագրի արդյունքը Պատվիրատուին հանձնելու փաստը ֆիքսող փաստաթուղթը (Հավելված N 3.1):

3.2 Հանձնման-ընդունման արձանագրությունն ստորագրվում է, եթե մատուցված Ծառայությունը համապատասխանում է պայմանագրի պայմաններին: Հակառակ դեպքում պայմանագրի կամ դրա մի մասի կատարման արդյունքները չեն ընդունվում, հանձնման-ընդունման արձանագրություն չի ստորագրվում և Պատվիրատուն՝

ա) հարցի կարգավորման համար ձեռնարկում է նման իրավիճակի համար սույն պայմանագրով նախատեսված միջոցները.

բ) Կատարողի նկատմամբ կիրառում է սույն պայմանագրով նախատեսված պատասխանատվության միջոցներ:

3.3 Պատվիրատուն հանձնման-ընդունման արձանագրությունը ստանալու պահից եռօրյա ժամկետում Կատարողին է ներկայացնում իր կողմից ստորագրված հանձնման-ընդունման արձանագրության մեկ օրինակը կամ Ծառայությունը չընդունելու պատճառաբանված մերժումը:

3.4 Եթե Պատվիրատուն սույն պայմանագրի 3.3 կետով սահմանված ժամկետում չի ընդունում պայմանագրի արդյունքը կամ չի մերժում, ապա այն համարվում է ընդունված և սույն պայմանագրի 3.3 կետով սահմանված վերջնաժամկետին հաջորդող աշխատանքային օրը Պատվիրատուն Կատարողին է տրամադրում իր կողմից հաստատված հանձնման-ընդունման արձանագրությունը:

#### **4. ՊԱՅՄԱՆԱԳՐԻ ԳԻՆԸ**

4.1. Սույն պայմանագրով Կատարողի մատուցման ենթակա Ծառայության ընդհանուր գինը կազմում է 4550000 (չորս միլիոն հինգ հարյուր հիսուն հազար) ՀՀ դրամ, ներառյալ ԱԱՀ-ն: Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած Ծառայության դիմաց վճարում է անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ սույն պայմանագրի N 2 հավելվածով սահմանված վճարման ժամանակացույցով նախատեսված ամսում (եթե արձանագրությունը կազմվում է տվյալ ամսվա 20-ից հետո, ապա վճարումն իրականացվում է 20 բանկային օրվա ընթացքում), բայց ոչ ավելի տվյալ ժամանակահատվածի համար նախատեսված գումարի չափից: Եթե ընդունված Ծառայության դիմաց վճարելու համար վճարման ժամանակացույցով նախատեսված միջոցները չեն բավարարում, ապա վճարումը, սույն կետի պայմաններով, իրականացվում է այն ամսում, որում դրամական միջոցները նախատեսված են, սակայն ոչ ուշ քան 2017թ. դեկտեմբերի 20-ը:

#### **5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ**

5.1 Կատարողը պատասխանատվություն է կրում Ծառայության մատուցման՝ սույն պայմանագրի պահանջների պահպանման համար:

5.2 Սույն պայմանագրի N 1 հավելվածում նշված տեխնիկական բնութագրին չհամապատասխանող Ծառայություն մատուցելու յուրաքանչյուր դեպքում Կատարողից գանձվում է տուգանք՝ սույն պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով:

5.3 Սույն պայմանագրով նախատեսված Ծառայության մատուցման ժամկետը խախտելու դեպքում Կատարողից յուրաքանչյուր ուշացված օրվա համար գանձվում է տույժ՝ մատուցման ենթակա, սակայն չմատուցված Ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Սույն պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են Ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից սույն պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

## 6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված Համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

7.1 Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի սույն պայմանագրով ստանձնած պարտավորությունների ողջ ծավալով կատարումը:

Սույն պայմանագիրը կնքվում է «Գնումների մասին» ՀՀ օրենքի 14-րդ հոդվածի 7-րդ մասի հիմքով՝ պայմանով, որ դրա շրջանակներում գնում կարող է կատարվել անհրաժեշտ ֆինանսական միջոցներ նախատեսվելու դեպքում: Սույն մասի համաձայն կնքված պայմանագիրը լուծարվում է, եթե պայմանագրի կատարման համար համապատասխան իրավական ակտով ֆինանսական միջոցները չեն նախատեսվել:

7.2 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որը չի ծածկվում մինչև լուծումը գնման պայմանագրի կատարմամբ Պատվիրատուի ստացածով:

7.3 Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա սույն պայմանագրի անբաժանելի մասը:

Սույն պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը:

Արգելվում է սույն պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող Ծառայության ծավալների կամ ձեռք բերվող Ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման դեպքերը սահմանում է Հայաստանի Հանրապետության կառավարությունը:

7.4 Ծառայության մատուցման ժամկետը կարող է երկարաձգվել մինչև սույն պայմանագրով այդ ժամկետը լրանալը պայմանագրի կողմի առաջարկության առկայության դեպքում՝ պայմանով, որ՝ Պատվիրատուի մոտ չի վերացել գնման առարկայի օգտագործման պահանջը: Ընդ որում սույն կետով սահմանված դեպքում Ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով:

7.5 Սույն պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Սույն պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող

պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.6 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն, «Ինտերնետով հրապարակային և անհատական ծանուցման մասին» ՀՀ օրենքի 10-րդ հոդվածի համաձայն, ուղարկում է Կատարողի պաշտոնական էլեկտրոնային փոստի հասցեով և միաժամանակ նույն օրը հրապարակում է [www.gnumner.am](http://www.gnumner.am) հասցեով ինտերնետային կայքում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետում նշված կայքում հրապարակվելուն հաջորդող օրվանից:

7.7 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.8 Սույն պայմանագիրը կազմված է 10 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.9 Սույն պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.10 Սույն պայմանագրի նկատմամբ կիրառվում է Հայաստանի Հանրապետության իրավունքը:

## 8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

### ՊԱՏՎԻՐԱՏՈՒ

ՀՀ տարածքային կառավարման և  
զարգացման նախարարություն  
ք. Երևան, Հանրապետության հրապարակ  
Կառավարական տուն 3  
ՀՀ ՖՆ գործառնական վարչություն  
Հ/Հ 900011001295  
ՀՎՀՀ 02578338


### ԿԱՏԱՐՈՂ

Ա/Ձ Լեոնիկ Սարիբեկյան Մամիկոնի  
ք. Արմվյան, 2-րդ փողոց, տուն 11  
«Կոնվերս բանկ» ՓԲԸ  
Հ/Հ 1930056573280100  
ՀՎՀՀ 85805035

Աշխատակազմի ղեկավար

  
(ստորագրություն)  
Վ.Տ.  


Ա/Ձ

  
(ստորագրություն)  
Կ.Տ.  
Լ.ՍԱՐԻԲԵԿՅԱՆ



 Վ. Տ. Տարիբեկյան

 Լ. Ս. Տարիբեկյան

**ՏԵԽՆԻԿԱԿԱՆ ԲՆՈՒԹԱԳԻՐ-ԳԼՄԱՆ ԺԱՄԱՆԱԿԱՑՈՒՅՑ\***

<b>Ձեռքբերվող ծառայության նկարագիրը</b>		
h/h	Ծառայության անվանումը	Նկարագրությունը
1	2	3
1.	<b>Ցանցային ադմինիստրատորի ծառայություններ</b>	<ul style="list-style-type: none"> <li>- Համակարգչային ցանցի տեխնիկական և ծրագրային սպասարկում, ցանցում համատեղ օգտագործման ծրագրերի սպասարկում, ցանցում տվյալների բազաների տեղադրում և սպասարկում:</li> <li>- Ինտերնետային կապի և էլեկտրոնային փոստի հասանելիություն ապահովող սերվեր համակարգչի շուրջօրյա անխափան աշխատանքի ապահովում:</li> <li>- Համակարգչային ներքին (լոկալ) ցանցի կապերն ապահովող ցանցային սարքերի շուրջօրյա անխափան աշխատանքի ապահովում:</li> <li>- Համակարգչային ներքին (լոկալ) ցանցին միացված բոլոր համակարգիչների ցանցային հասանելիության ապահովում:</li> <li>- Համակարգչային ներքին (լոկալ) ցանցի բոլոր բաժանորդների համար հակավիրուսային ծրագրային փաթեթի ամենօրյա թարմացում և գործարկում:</li> <li>- Համակարգչային ներքին (լոկալ) ցանցի բոլոր բաժանորդների համար հակավիրուսային ծրագրի միջոցով համակարգչի աշխատունակության ստուգում:</li> <li>- Ցանցային համակարգչում ցանցային ծրագրային փաթեթների տեղադրում և կարգաբերում:</li> <li>- Համակարգչային ներքին (լոկալ) ցանցի միջոցով տվյալների փոխանցման շուրջօրյա իրականացման ապահովում:</li> <li>- Տվյալների փոխանցման անվտանգության և գաղտնիության ապահովում (ցանցը պետք է լինի պաշտպանված, փակ ցանց և կապված չպետք է լինի ոչ մի այլ համակարգչային ցանցի):</li> <li>- Համակարգչային ներքին (լոկալ) ցանցի ընդլայնման հնարավորության ապահովում (նոր համակարգիչների միացում գործող ցանցին):</li> <li>- Համակարգչային ներքին (լոկալ) ցանցի տեխնիկական սպասարկման աշխատանքներ (ցանցային սարքավորումների սպասարկում, վերանորոգում և փոխարինում նոր համարժեք սարքերով):</li> <li>- Microsoft File Server 2008 R2 արխիվացիաների քաղաքականության մշակում և իրականացում:</li> <li>- Օգտատերերի ֆայլային ռեսուրսների ինտեգրում: Microsoft File Server 2008 R2 ֆայլային ռեսուրսների կրկնօրինակում շաբաթական:</li> <li>- Սերվերների վնասված windows server 2008r2 օպերացիոն համակարգի վերատեղադրում, գործիքային ծրագրերի տեղադրում (domain controler, file server) և կարգաբերում՝ անընդհատ աշխատանքը ապահովելու նպատակով:</li> <li>- Domain controler Server 2008 R2 ժամանակավոր ֆայլերի մաքրում, օգտագործողների բազայի թարմացում, արխիվացում:</li> <li>- Microsoft Outlook ծրագրի տեղադրում և կարգաբերում, արխիվային թղթապանակի բացում՝ էլ-փոստերը արխիվացնելու նպատակով</li> <li>- Domain controler Server 2008 R2 սերվերի պրոֆիլակտիկա, ծրագրային</li> </ul>

		<p>և համակարգային թարմացումների տեղադրում:</p> <ul style="list-style-type: none"> <li>- Domain controller Server 2008 R2 գրանցված օգտատերերի հասանելիության իրավունքների բաշխում:</li> <li>- Համակարգային ներքին (լոկալ) ցանցին միացված Domain controller Server 2008 R2 համակարգի ցանցային հասանելիության ապահովում:</li> <li>- FreeBSD օպերացիոն համակարգի միջոցով՝ աշխատակայաններում ինտերնետ կայքերի հասանելիության իրավունքների տրամադրում proxy սերվերի միջոցով, թերությունների և խախտումների արտաձում, ներթափանցման վտանգների կանխում, sqstat կամ համարժեք համակարգի միջոցով բոլոր օգտատերերի լոգ ֆայլերի ստեղծում:</li> <li>- FreeBSD Unix օպերացիոն համակարգի միջոցով ինտերնետ ցանցի բաշխում, չափաբաժինների քաղաքականության մշակում և իրականացում, վեբ կայքերի դասակարգում:</li> </ul>
2.	<p><b>Վեբ կայքի և էլեկտրոնային փոստի սերվերների սպասարկման ծառայություններ</b></p>	<ul style="list-style-type: none"> <li>- Ինտերնետային էջի մշակում. <a href="http://www.mtad.am">www.mtad.am</a></li> <li>- Ինտերնետային կայքերի անխափան աշխատանքի ապահովում:</li> <li>- Ինտերնետային կայքերի անվտանգության ապահովում:</li> <li>- Ինտերնետային կայքերում նոր մոդուլների ստեղծում:</li> <li>- Պարբերաբար ինտերնետային կայքերի տեխնիկական թարմացում ժամանակակից տեղեկատվական տեխնոլոգիաներով ժամանակին համահունչ:</li> <li>- Ինտերնետային կայքերի ամենօրյա (ըստ անհրաժեշտության) թարմացում:</li> <li>- Կայքերում նոր էջերի տեղադրում:</li> <li>- Կայքերում նոր հղումների, նկարների և ինֆորմացիոն ֆայլերի ավելացում:</li> <li>- Խմբագրական աշխատանքներ (տեղեկատվության փոփոխում, տեղափոխում, հեռացում, հին տեղեկատվության արխիվացում):</li> <li>- Centos 6.8 կամ համարժեք օպերացիոն համակարգի ժամանակավոր լոգ ֆայլերի մաքրում, ծրագրային և համակարգային թարմացումների տեղադրում, լոգ ֆայլերի արտաձում, գրանցված թերությունների հայտնաբերում և վերացում:</li> <li>- Ինտերնետային էջի մշակում. <a href="http://www.mail.mta.gov.am">www.mail.mta.gov.am</a></li> <li>- Mail սերվերում առկա 1500 հատ օգտագործողների բազաների կրկնօրինակում շաբաթական:</li> <li>- Նոր էլ փոստերի ստեղծում և կարգաբերում</li> <li>- Ապահովել պատվիրատուի էլեկտրոնային փոստի սերվերի Centos 6.7 կամ համարժեք օպերացիոն համակարգի և ծրագրային ապահովման արդիականությունը և անխափան աշխատանքը:</li> <li>- Ապահովել ողջ համակարգի տվյալների անվտանգությունը:</li> <li>- Centos 6.7 կամ համարժեք օպերացիոն համակարգի ժամանակավոր լոգ ֆայլերի մաքրում, ծրագրային և համակարգային թարմացումների տեղադրում, լոգ ֆայլերի արտաձում, գրանցված թերությունների հայտնաբերում և վերացում:</li> </ul>
3.	<p><b>Համայնքային ծառայողների տվյալների կառավարման էլեկտրոնային</b></p>	<p>1. Համայնքային ծառայողների տվյալների կառավարման տեղեկատվական համակարգ տեղադրում</p> <ul style="list-style-type: none"> <li>• Օպերացիոն համակարգ - Server 2008 R2</li> <li>• Տվյալների բազա - MS SQL 2008 R2 SP1 Express Edition</li> </ul>

<p><b>տեղեկարվական համակարգի սպասարկման ծառայություն</b></p>	<ul style="list-style-type: none"> <li>• .NET Framework - NET 3.5 SP1</li> <li>2. ՀՀ տարածքային կառավարման և զարգացման նախարարությունում կենտրոնացված բազայի ստեղծում:</li> <li>3. ՀՀ բոլոր մարզում տվյալների բազայի ստեղծում:</li> <li>4. ՀՀ բոլոր մարզերի տվյալների բազաների ինտեգրում կենտրոնացված բազայի հետ:</li> <li>5. Տվյալների բազայի կառավարում՝ <ul style="list-style-type: none"> <li>• Տվյալների արտահանում</li> <li>• Տվյալների ներմուծում</li> <li>• Տվյալների բազայի արխիվացում շաբաթական</li> <li>• Տվյալների բազայի վերականգնում</li> </ul> </li> <li>6. Տվյալների բազայում նոր օգտատերերի բացում</li> <li>7. Տվյալների բազայում օգտատերերի հասանելիության իրավունքների բաշխում</li> <li>8. Ծրագրային փաթեթի տեղադրում (Client) ՀՀ տարածքային կառավարման և զարգացման նախարարության և ՀՀ բոլոր մարզերպետարանների օգտատերերի աշխատակալաններում:</li> <li>9. Ծրագրում բացահայտված թերությունների վերացում և ծրագրի անխափան աշխատանքի ապահովում:</li> <li>10. Ծառայությունները պետք է մատուցվեն ՀՀ տարածքային կառավարման և զարգացման նախարարությունում և ՀՀ բոլոր մարզերպետարաններում:</li> </ul>
<p>Ծառայության մատուցման ժամկետը</p>	
<p>Սկիզբը</p>	<p>Ավարտը</p>
<p>Պայմանագրի կնքման պահից</p>	<p>20.12.2017թ.</p>


**ՊԱՏՎԻՐԱՏՈՒ**

ՀՀ տարածքային կառավարման և զարգացման նախարարություն  
 ք. Երևան, Հանրապետության հրապարակ  
 Կառավարական տուն 3  
 ՀՀ ՖՆ գործառնական վարչություն  
 Հ/Հ 900011001295  
 ՀՎՀՀ 02578338

**ԿԱՏԱՐՈՂ**

Ա/Ձ Լեռնիկ Սարիբեկյան Մամիկոնի  
 ք. Արվյան, 2-րդ փողոց, տուն 11  
 «Կոնվերս բանկ» ՓԲԸ  
 Հ/Հ 1930056573280100  
 ՀՎՀՀ 85805035

Աշխատակազմի ղեկավար

*(Ստորագրություն)*  
 Կ.Տ  


Ա/Ձ

*(Ստորագրություն)*  
 Կ.Տ  
 Լ.ՍԱՐԻԲԵԿՅԱՆ




N	Ծառայության անվանումը	Նախատեսվում է ֆինանսավորել 2017թ.՝ ըստ ամիսների՝ ընդ որում											Ընդամենը Տարի		
		մոխիդուս	մոխիստղի	տմոր	Նվաճում	ովմոր	ովնիս	ովնուս	նստոսո	մզմրգտիսդ	մզմրգտիսդ	մզմրգտիսդ			
1	Ցանցային ադմինիստրատորի ծառայություն			65.0	130.0	195.0	260.0	325.0	390.0	455.0	520.0	585.0	650.0	650.0	650.0
2	Վեբ կայքի և էլեկտրոնային փոստի սերվերների սպասարկման ծառայություն			210.0	420.0	630.0	840.0	1050.0	1260.0	1470.0	1680.0	1890.0	2100.0	2100.0	2100.0
3	Համայնքային ծառայողների փվյաների կառավարման էլեկտրոնային տեղեկատվական համակարգի սպասարկման ծառայություն				200.0	200.0	200.0	650.0	650.0	650.0	1800.0	1800.0	1800.0	1800.0	1800.0
<b>Ընդամենը՝</b>				<b>275.0</b>	<b>750.0</b>	<b>1025.0</b>	<b>1300.0</b>	<b>2025.0</b>	<b>2300.0</b>	<b>2575.0</b>	<b>4000.0</b>	<b>4275.0</b>	<b>4550.0</b>	<b>4550.0</b>	<b>4550.0</b>

\* Կճարման ենթակա գումարները ներկայացված են անողական կարգով:


**ՊԱՏՎԻՐԱՏՈՒ**

ՀՀ տարածքային կառավարման և զարգացման նախարարություն  
Ք. Երևան, Հանրապետության հրապարակ  
Կառավարական տուն 3  
ՀՀ ՖՆ գործառնական վարչություն  
Հ/Հ 900011001295  
ՀՎՀՀ 02578338



**ԿԱՏԱՐՈՂ**

Ա/Ձ Լեռնիկ Սարիբեկյան Մամիկոնի  
Ք. Արուսյան, 2-րդ փողոց, տուն 11  
«Կոնվերս բանկ» ՓԲԸ  
Հ/Հ 1930056573280100  
ՀՎՀՀ 85805035



Պայմանագրի կողմ

Պատվիրատու

\_\_\_\_\_

գտնվելու վայրը \_\_\_\_\_

հհ \_\_\_\_\_

\_\_\_\_\_

հվհհ \_\_\_\_\_

\_\_\_\_\_

գտնվելու վայրը \_\_\_\_\_

հհ \_\_\_\_\_

\_\_\_\_\_

հվհհ \_\_\_\_\_

ԱՐՁԱՆԱԳՐՈՒԹՅՈՒՆ N  
ՀԱՆՁՆԱԿԱՆ-ԸՆԴՈՒՆՄԱՆ

«        » «        » 20 թ.

Պայմանագրի /այսուհետ՝ Պայմանագիր/ անվանումը՝

\_\_\_\_\_

Պայմանագրի կնքման ամսաթիվը՝ «        » «        » 20 թ.

Պայմանագրի համարը՝ \_\_\_\_\_

Պատվիրատուն՝ ի դեմս \_\_\_\_\_ և

Պայմանագրի կողմը՝ ի դեմս \_\_\_\_\_, հիմք ընդունելով

Պայմանագրի կատարման վերաբերյալ «        » «        » 20 թ. կազմված՝ գնման հայտը նախագծած ներկայացուցչի N եզրակացությունն այն մասին, որ Պայմանագրով նախատեսված՝ ստորև նշված ծառայությունները համապատասխանում են Պայմանագրով ամրագրված տեխնիկական բնութագրերին և գնման ժամանակացույցին՝ կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

Մատուցված ծառայությունների								
N	անվանումը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Վերոհիշյալ ծառայությունների մատուցման վերաբերյալ բոլոր հաշիվ-ապրանքագրերը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

Ծառայությունն ընդունեց

\_\_\_\_\_

\_\_\_\_\_

ստորագրություն

ստորագրություն

\_\_\_\_\_

\_\_\_\_\_

ազգանուն, անուն

ազգանուն, անուն

Կ.Տ.

Կ.Տ.

## ԱԿՏ N

**պայմանագրի արդյունքը Պատվիրատուին հանձնելու փաստը ֆիքսելու վերաբերյալ**

Սույնով արձանագրվում է, որ \_\_\_\_\_-ի (այսուհետ՝ Պատվիրատու)

(Պատվիրատուի անունը)

\_\_\_\_\_ի (այսուհետ՝ Կատարող) միջև 20 թ. \_\_\_\_\_-ին կնքված N \_\_\_\_\_

(Կատարողի անունը)

գնման պայմանագրի շրջանակներում Կատարողը 20 թ. \_\_\_\_\_ -- -ին հանձնման-  
ընդունման նպատակով Պատվիրատուին հանձնեց ստորև նշված ծառայությունները.

Ծառայության		
Անվանումը	Քանակական ցուցանիշը (փաստացի)	Չափի միավորը

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

### ԿՈՂՄԵՐԸ

#### Հանձնեց

\_\_\_\_\_  
ազգանուն, անուն

\_\_\_\_\_  
ստորագրություն

#### Ընդունեց

հայտը նախագծած ներկայացուցիչ՝

\_\_\_\_\_  
ազգանուն, անուն

\_\_\_\_\_  
ստորագրություն